



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-05-38844/19
Sarajevo, 07.04.2020.godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
gđa. Almira Kulovac Šetkić, po ovlaštenju sekretar Skupštine

PREDMET: Izjašnjenje na zastupničku inicijativu zastupnice Bilsene Šahman,
dostavlja se –

VEZA: Vaš akt, broj: 16-01-05-38844-75/19 od 08.01.2020. godine

Zastupnica u Skupštini Kantona Sarajevo Bilsena Šahman je na 14. Radnoj sjednici Skupštine Kantona Sarajevo održanoj dana 30.10.2019. godine, u okviru tačke dnevnog reda „Poslanička pitanja, inicijative i odgovori“, pokrenula sljedeću zastupničku inicijativu: „ *za izmjene Zakona o plaćama i naknadama u organima Vlasti Kantona Sarajevo.* ”

Navedena inicijativa odnosi se na izmjene stava (3) člana 36. Zakona o plaćama i naknadama u organima Vlasti Kantona Sarajevo („Službene novine Kantona Sarajevo“ broj 5/19), te se traži:

“ a) *ukidanje stava 3) člana 36. Naknade za rad u komisijama, koji se odnosi na komisije koje se finansiraju od uplata fizičkih i pravnih lica;*

b) *umanjuje se naknada za rad u Komisijama na visinu od jedne osnovice iz člana 5. Zakona o plaćama i naknadama u organima vlasti kantona Sarajevo.* ”

S tim u vezi, Ministarstvo pravde i uprave dostavlja sljedeće izjašnjenje:

U vezi zastupničke inicijative, obavještavamo vas da Programom rada Ministarstva pravde i uprave za 2020.godinu nisu predviđene izmjene Zakona o plaćama i naknadama u organima vlasti Kantona Sarajevo.

Materija koja se tiče naknade za rad u komisijama je uređena Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe (u daljem tekstu: Odluka), te Zaključkom Vlade Kantona Sarajevo, broj: 02-05-27435-38/14 od 30.10.2014.godine.

S obzirom da je Zakon o plaćama i naknadama u organima vlasti Kantona Sarajevo („Službene novine Kantona Sarajevo“, broj 5/19) donesen u 2019.godini, te da je Odluka nakon prečišćenog teksta imala još tri izmjene, Ministarstvo pravde i uprave Kantona Sarajevo je pripremiло nacrt Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe te istu dostavilo Samostalnom



sindikatu državnih službenika i namještenika u organima državne službe, sudske vlasti i javnim ustanovama Federacije BiH, Samostalnom sindikatu kantonalnih državnih službenika i namještenika i Sindikatu policije Kantona Sarajevo na mišljenje.

Nakon povratnih mišljenja, nacrt Odluke će biti upućen u dalju proceduru.

Također ukazujemo, da određene naknade za rad u komisijama uređuju federalni propisi te da se isti primjenjuju i u organima državne službe na kantonalnom nivou.

Primjera radi, takav je slučaj sa naknadom za rad u komisiji za polaganje stručnog ispita za namještenike.

Naime, odredbom člana 1. Zakona o namještenicima u organima državne službe u Federaciji BiH („Službene novine FBiH“, broj 49/05) stoji da se radnopravni status kao i poslovi koje obavljaju namještenici, plaće, naknade i druga prava, dužnosti i odgovornosti iz radnog odnosa te druga pitanja koja se odnose na radnopravni status namještenika, na nivou kantona, uređuje ovim zakonom, dok je članom 31. stav (2) istog Zakona propisano da namještenici srednje školske spreme iz općinskih i gradskih organa državne službe, stručni ispit polažu pred komisijom koju imenuje rukovodilac kantonalnog organa uprave nadležnog za poslove uprave.

U članu 36.stav (2) Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj 5/19) stoji da tačan iznos odnosno visinu naknade za rad svojim aktom utvrđuje Vlada Kantona, odnosno rukovodilac organa državne službe, za svaku pojedinačnu komisiju.

Ukazujemo da izmjene Zakona u dijelu koji je obuhvaćen Vašom inicijativom, a za naknade koje se tiču namještenika, ne bi bile moguće dok je na snazi Zakon o namještenicima u organima državne službe u Federaciji Bosne i Hercegovine.

Obradila: Edina Karasalihović

S poštovanjem,

Dostaviti:

1. Naslovu;
2. Stručna služba Vlade Kantona Sarajevo;
3. Bilsena Šahman, zastupnica SBB-a u Skupštini Kantona Sarajevo;
4. a/a.



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

